

Q. D. B. V.
DISSERTATIO ACADEMICA
DE

SENTENTIA PROVISIONALI, QVOAD ALIMENTA ET EXPENSAS LITIS.

QVAM
RECTORE MAGNIFICENTISSIMO
SERENISSIMO PRINCIPE AC DOMINO,
DOMINO

WILHELMO HENRICO,
DVCE SAXONIÆ, IVLIACI, CLIVIÆ, MONTIVM,
ANGARIÆ ET WESTPHALIÆ, & reliqua,
SVB PRÆSIDIO

DOMINI
FRIDERICI GOTTLIEB
STRUUIT,

DOCTORIS,
CVRIÆ PROVINCIALIS ADVOCATI ORDINARIJ,
DOMINI ET PRÆCEPTORIS SVI ÆTATEM
DEVENERANDI,

AD DIEM IX IANVARIJ

IN AUDITORIO ICTORVM

PVBlice DISPVTABIT

IOACHIMVS HENRICVS KATTE,
EQVES BREMENSIS.

A Monsieur,
MONSIEUR
MARQVARD KATTE
Conseiller d' Etat,
de sa Maiesté
le Roi de Dannemarc Norvege,
&c. &c. &c.
Seigneur de Niendieck, Heuhoff,
Portzhem , &c.
mon très honoré Pere.





MONSIEVR

Et très cher Père!



L est sans contredit , que le
devoir de tous les hommes de-
mande, qu' ils ne passent pas
les iours de leur vie entre qua-
tre murailles , comme les bêtes en viron-
(2) nees

nées d'une haie; de là on peut inferer, que ceux là sont les plus dignes d'honneur & de gloire, qui ne cherchent que de surpasser les autres dans cette affaire ci. Car à dire la verité il n'y a aucune emulation, ni aucun combat, qui merite plus de louanges que celui qui se fait pour la vertu & l'honneur; & qui a fourni de la sorte sa carrière, s'est acquis une gloire immortelle, ie ne dirai pas l'immortalité même. Mais pour parvenir à ce but là il y a deux chemins, scavoir l'épée & les livres. Il y a bien des gens, qui selon le sentiment de l'Empereur Licinius tiennent les études pour un venin & la peste la plus violente; encore il y a des nations qui les ont méprisés & accusés qu'elles faisoient une metamorphose des hommes en femmes & de l'animosité en poltronnerie. Mais la véritable raison en est, qu'ils n'en ont iamais

mais goûté les fruits, & ainfi les études &
 les belles lettres ont été méprisées d'eux,
 parcequ'ils n'en ont pas compris l'vtilité.
 De plus les gens les plus fensés avoüe-
 ront, qu'on a fceu plusieurs fois vaincre
 des nations, mais non pas les bien gou-
 verner, qu'ainfi il n'y a aucune Repub-
 lique qui puisse fubfifter long tems fans
 les études. Cependant on ne fcauroit
 nier, que les études feules ne foyent pas
 capables de fôutenir vne bonne Répub-
 lique, fans le fecours d'une bravoure he-
 roïque, qui a pour deuife : *Pluftot mou-
 rir que de vivre fans honneur.* Car Mars
 & Minerve s'accordent tellement, que
 l'un d'eux ne fcauroit fe bien elever, s'il
 fe voit abandonné de l'autre. C'est
 pourquoi ceux qui fe font choifi ces
 deux chemins & pourfuivent leur cour-
 fe

se avec vn coeur intrepide, se rendent
absolument immortels ; qu' au contrai-
re des coeurs laches & pusillanimes qui
ne font que garder les greniers & les co-
fres de leurs parens, & qui pour trop
prevoir les suites des choses n' osent rien
entreprendre, se rendent folatres & mé-
prisables. Nous ne vivons pas pour faire
seulement bonne chère, mais chacun
est obligé de sacrifier ses biens & sa vie
à la gloire de Dieu, pour la patrie & ses
parens. Je ne trouve pas à propos d'au-
toriser ici mon sentiment par beaucoup
d'arguments ; Vos chères & aimables
lettres en feront même les tèmoin's les
plus irreprochables, dans les quelles
Vous avez assez bien expliqué, que par
la diligence de l'etude on se rendoit ca-
pable de rendre service à la patrie tant
dans

dans la guerre que dans la paix. C'est pourquoy comme ie me suis fait toujours vn honneur & vne gloire , d'executer vos sages & salutaires conseils , & que ie me vois sur le point de finir mes années Academiques ; ie me suis proposé de donner au public vne petite preuve de Vos bienfaits & de Vos exhortations paternelles. Il n'ya rien de plus raisonnable, que d'attribuer la riuière à la source, & i'en'ai rien trouué de plus à propos que de vous dedier mon très honoré Père ces premices de mes études comme à celui qui en est la veritable source. Et ce n'est, que pour Vous rendre quèque temoignage de mon ame reconnoissante & de mon respect filial. Au reste ie Vous supplie très humblement de recevoir ce sacrifice d'

un

un oeil paternel, & de me laisser iouir de
votre bonté ordinaire comme par le pas-
sé ; pour moi i'emploierai tous mes
soins à l'avenir à fin de me pouvoir dire
avec juste raison & le respect conve-
nable.

MONSIEVR

& très cher Père

à Jene le 14 Decembr.

1713.

Votre très humble très obeissant & très

fidele serviteur & fils.

JOACHIM HENRI KATTE.

Q. D. B. V.



Q. D. B. V.

Th. I.



Inter alia *Paupertatis* iura , quæ ex singulari Principum indulgentia concessa sunt, illud maxime notatu dignum ; *Quod inopi litiganti vel a diuite aduersario, vel ex fructibus rei litigiosa , sumtus litis & alimenta quandoque subministranda sint ;* Id quod per SENTENTIAM Iudicis PROVISIONALEM definiri solet. Cum enim, iuxta æquissimam Iuris Canonici Regulam : *Afflicto non sit addenda afflictio per cap. ex pacto s. X. de Cleric. agrot.* Ideo sedula legislatorum cura prouisum fuit, vt ita paupertati succurratur, ne quis iure suo excidat, si qua ob paupertatem ius suum persequi, aut forte ex manibus violenti & nimis potentis aduersarii eripere nequeat. In quem finem non tantum restitutio in integrum ex Clau-

A

sula

sula Edicti Prætorii generali contra lapsum fatale præscriptionis vel appellationis pauperibus conceditur *arg. cap. 8. X. de appellat. Benincas. de Privil. Paup. qu 4. n. 18.* Sed in specie quoque supradictum *Remedium Prouisionale* indulgetur. Cuius proinde fundamentum & alias eo spectantes causas per modum Dissertationis Academicæ B. C. D. perflustrabimus.

Th. II.

Sumitur autem *Sententia Prouisionalis* vel *latisime*, & est Decretum quoddam iudicis, quod super puncto quodam, in litem principalem incidenti, fertur, confusionis vitandæ gratia ad præcautionem iudicii & prouidentiam partium interpositum, & generali nomine alias *Decretum Interimisticum* vocari solet. *Gail. lib. 1. obs. 5. n. 3.* Vel *latius*, pro certo quodam prouisionis remedio, quod tamen ultra consuetos alimentationis & expensarum terminos ad alios casus extenditur, & ita ratione formæ atque materiæ a sententia prouisionali specificè dicta differt. Atque in hoc sensu latiori *sententias ex instrumento guaranti-giato* *latas Prouisionales* quoque dicunt, quando nimirum facta illius recognitione legitima iuxta tenorem eius ad executionem proceditur, pendente

* (3) *

dente interim lite super exceptione eidem opposita, quæ altioris erat indaginis. *Christin. ad Consuet. Mechlin. Tit. I. art. 30. n. 1. sqq.* Vel denique *strictius* accipitur, quatenus prouisio fit inopi litiganti super alimentis & necessariis litis expensis; In quo significatu huius est loci, atque in hoc respectu *Sententia Prouisional* nobis describitur: Quod sit *Remedium, aliquod Ciuile, iudiciale & subsidiarium, quod datur inopi litiganti contra diuitem aduersarium ad alimenta & expensas litis necessarias obtinendas, quo iustitiam causæ suæ possit persequi.* Est ergo hæc prouisio quidem per iudicem facienda, nec tamen auctoritate legis destituta. Vnde vulgatum axioma; *Quod prouisio hominis faciat cessare prouisionem legis,* ad hoc remedium iudiciale non per omnia potest adplicari, cum in hoc prouidendi beneficio non ita omnino libera sit iudicis potestas, prout alias ex *iure dominii* privato facultas competit disponendi & prouidendi de rebus suis *l. 21. C. mand.* Sed alligata illa est ad leges forenses & iudicii mensuram, ne vni parti plus iusto tribuens de crimine præuaricationis aut Syndicatus fiat suspectus. Non aliter ergo iudici prouidere permissum est, quam prout iam legibus prouisum adparet, quarum declarationem &

applicationem saltem iudex in casu emergente facit.

Th. III.

Agimus proinde hic in specie de fauore *Partium priuato*, relatione inuicem habita ad iura inopum litigantium. Vnde excludimus (1.) illam quæstionem, quatenus *iudici* ordinario vel delegato aut Commissario vel etiam arbitro alimenta quandoque in causis partium peregre abeuntibus *Behrung und Reisekosten und übrige Verpflegung* præstanda sint, de quibus vid. Coler. *de Aliment. lib. I. cap. 14.* (2.) Non spectamus illos sumtus, qui pauperi litiganti ex *publico* subministrandi sunt, & rationem quandam elemosynæ habent. Boer. *dec. 325.* Coler. *l. c. n. 28.* Porro (3.) huc non pertinent illi sumtus, quos actor *ordinario* iure facere debet, si aliquid petat a iudice vel reo conuento, vti est in iudicio ad exhibendum, vbi periculo & sumtibus petitoris res exhiberi debet, iuxta *l. 11. §. 1. ff. ad exhib.* Item, circa productionem testium, quippe quæ sumtibus producentis fieri debet, iuxta *l. 11. C. de Testib.* Gail. *l. 1. observ. 99.*

Th. IV.

Porro huc non refertur in specie illa *provisio*,
quæ

* (5) *

quæ fit super *possessione* pendente lite, quod alias peculiari vocabulo *Decretum Interimisticum* vocari solet Christin. *vol. 1. dec. 276.* differunt enim ut latius & angustius. Etenim prouisionalis sententia species est Decreti interimistici, cum per eam litiganti interim prouideatur, si non habeat vel unde viuat, vel unde litem continuare possit, cuius tamen continuatio ex probabili & euidenti causa ipsi incumberebat. At vero Decretum Interimisticum vltcrius se extendit, & non saltem prouidet litiganti, quantum opus est ad necessaria vitæ subsidia, sed etiam interim possessorem in possessione rei vel iuris defendit, ius retentionis concedit, administrationem indulget, & alia pendente lite commoda vni litiganti confert. Conf. Stryck, in *Diss. de Decreto Interimist. cap. 1.*

Th. V.

Licet vero regulariter litigans suo aduersario de alimentis & sumtibus litis prospicere non teneatur, cum nemo compelli possit arma aduersario de sua domo suppeditare, arg. *l. nimis graue 7. C. de Testib. Mev. Part. IV. dec. 194.* Attamen illud ipsum axioma varias limitationes recipit, quas præsentī dissertatione subiiciemus.

A 3

Th. VI.

Equidem mouentur plures rationes dubitandi in contrarium, quæ etiam iuris autores circa hunc sententiæ prouisionalæ articulum in diuersas trahunt sententias, & partim in *textibus* quibusdam legum Ciuiliū, partim in *rationibus* iuris stabiliuntur. Ex illis obiicitur (1) *l. Imperatores 17. ff. de tutel. & ration. distrab.* Vbi Ictus pupillo petenti expensas litis a tutoribus contra quos agebat, respondet, Imperatores rescripsisse: *Non habet rationem postulatio tua, volentis, in sumtum litis ab his tibi pecuniam subministrari.* Quem textum, ad firmandam negatiuam, vrgent Bartolus & Baldus in *d. l.* & Aretinus cum Felino in *cap. si qui testium 8. X. de Testib.* Et tenuit eandem opinionem Boer. *Dec. 303.* item Marian. Socinus *L. 3. Cons. 8.* prout recenset Hartm. Pistor. *Part. 1. quest. 20. n. 2.* Verum facile patet, hunc textum non esse generaliter capiendum, sed casum quendam specialem a referente parte vel iudice ad Imperatores esse delatum, ad quem proinde speciali suo Rescripto respondent, vt proinde a particulari casu ad vniuersalem regulam non ita indistincte valeat consequentia. Deinde cessat in proposito casu *d. l. 17.*

præ-

(7)

præsumtio iustæ causæ pro pupillo ; siquidem hic textus loquitur de iudicio, de rationibus tutelæ distrahendis vel dispungendis , cuius fundamentum est dolus, & finis, pœna. Iam vero in contractibus dolus non præsumitur ; Et ita præsumtio est potius pro tutore contra pupillum, tale quid postulantem , vt ita omnino iniqua censeatur sumtuum postulatio ; Id quod tamen non concludit, si pro litigante militet iusta præsumtio. Denique respondent Interpretes , textum accipiendum esse de illo casu, si tutor conueniatur tutela deposita, & de bonis pupillaribus nihil quicquam possideat. *Brunnem. in Comment. Pand. ad d. l. 17.*

Th. VII.

Obiiciunt (II) *l. nimis graue 7. C. de Testib.* vbi Diocletianus & Maximinianus Impp. in hæc verba rescribunt : *Nimis graue est , quod petitis, vrgeri partem diuersam ad exhibitionem eorum, per quos sibi negotium fiat ; unde intelligitis, quod intentionis vestræ proprias afferre debetis probationes, non aduersus se ab aduersariis adduci.* Quem textum explicat Harmenop. *Promptuar. Iur. Civ. Lib. I. Tit. 6. §. 57.* ibi : οὐδεὶς ἀπειτῆται καὶ ἑαυτὸς μάστιγας ὡς ἀγαγεῖν ἀλλὰ χερὶ τὸν ἐνάγοντα ὡς βέλεται συστή-

συστήσαι τὰς ἰδίας δικαιολογίας. i. e. *Nemo aduersus se testes producere cogitur. Sed actorem oportet arbitrato suo propriasnectere probationes.* Constat proinde textum hunc loqui de testibus domesticis, quos contra se in testimonium producere aut forte delitescentes exhibere actor non cogitur. Brunn. *ad d. l. 7. C. de Test.* idemque vberius declaratur *l. 10. §. 4. ff. de Quæstionib.* ibi : *Nec debet initium probationum de domo rei accusator sumere, dum aut liberos eius, quem accusat, aut seruos in testimonium vocat.* Id quod tamen huc non concludit, cum aliud sit probationis adhuc incertæ & dubiæ media aduersario aduersus se ipsum subministrare; aliud probationes eiusdem iam satis *fundatas* suscipere; atque ad producendam rei veritatem sumtus suppeditare. Sicuti enim eo casu, vbi veritas aliter haberi non potest v. g. in actibus domesticis probandis *l. 8. §. 6. C. de Repud.* nec domesticum testimonium tam proquam contra actorem est reprobatum. Sande *decis Frisic. l. 1. tit. 9. def. 3.* Carpzou. in *Proc. tit. 13. §. 5.* Ita quoque analogiæ iuris non aduersatur sumtus inopi subministrari, vbi aliter causæ iustitia probari & deduci nequit, vel verendum sit, ne diuturnitate processus litigans fatigatus fame interim

* (9) *

terim enecandus sit. Neque a dissentientibus replicari potest, quod non tam casus huius legis, quam *Ratio* subiecta inspicienda sit; *Quod quis non teneatur ad exhibitionem eorum, per quos sibi negotium fiat.* Est enim ratio non generalis, sed restricta ad præsentem casum, & respicit antiquam prohibitionem legis Iuliæ, qua cautum erat, ne inuito denunciatur testimonium dicere aduersus parentes & alias personas arctiore vinculo, amicitia vel reuerentia iunctas, prout declarat *l. 3. § 5. l. 4 l. 5 ff. de Test.* ut ita sub antiquæ legis clypeo tutus non teneatur tales personas in publicum exhibere, per quas sibi negotium aliquod contra coniunctionis naturalis vel reuerentiæ civilis rationem fieri posset. Quæ tamen ratio ita enucleata ad sumtus litis vel alimenta aduersarii plane non quadrat.

Th. VIII.

Pari modo obiici (III.) posset *l. fin. C. de Edendo*, ubi Alexander Aug. in fine Rescripti ita concludit: *Non oportet originem petitionis ex instrumentis eius, qui conuenitur, fundari.* Verum loquitur textus de editione instrumentorum, quam reus in fauorem actoris regulariter facere non cogitur *l. 10. §. 4. de Quæst. Berlich. P. 2. Conclus.*

45. n. 23. Ast nihil hic habetur de sumtibus litis, ad quos argumentum ab exhibitione instrumentorum ad exhibitionem alimentorum non concludit, siquidem alimenta naturali æquitatis ratione debentur; Instrumentorum editio ex ciuili iure hoc casu postulanda foret. Jam vero alimentorum causa est fauorabilis, qualem fauorem editio instrumentorum non per omnia præ se fert. Deinde aliud est causam probationibus a reo petitis instruere, aliud probationem saltem sumtibus alienis exequi.

Th. IX.

Alii præterea Interpretes mediam quandam sequuntur sententiam circa textus iuris, & distinguunt inter expensas iudicii *publicas* & *priuatas* partium, atque concludunt, quod iudex prouidere quidem de expensis publicis siue *iudicialibus*, de quibus proinde praxin sententiæ prouisionalis intelligunt; Non vero prouidere necesse habeat, de expensis *partium* de quibus allegatos textus intelligunt, prout sentit Matth. de *Afflict. in Constit. Neapol. lib. 1. rubr. 33.* Et quidem rationem differentię hanc assignant, quod expensę iudiciales ad sportulas & fructus iurisdictionis referantur, atque partem salarii publici constitu-

ant,

* (II) *

ant, semperque a partibus præstandæ sint, pro quacunque litigantium parte sententia feratur. At circa expensas partium incertum est, cui adiudicandæ sint, propter dubium litis euentum, cum non semper statim patere possit, annon mutua compensatione expensæ inuicem tollantur, an vero actori vel reo iniungi debeant. Attamen ista nostram sententiam non stringunt, siquidem in casu sententiæ prouisionalis nos supponimus talem causam, vbi probabilitas singularis pro impetrante militat, vt sic litis euentus facilius prospici queat.

Th. X.

Alii porro textus pro affirmatiua sententiæ huius prouisionalis stantes restringunt ad litigantes inuicem *cognatos*, prout videre est apud Hartm. Pistor. *Part. I. qu. 20. n. 3.* At sine iuris ratione. Licet enim textus *l. 27. ff. de inoff. testam.* casum quendam cognationis respiciat, tamen ille casus magis *exemplificatiue* quam *dispositiue* accipiendus est, & ratio magis legis quam casus inspicere debet.

Th. XI.

Alii præterea textus in affirmatiuam inclinantes accipiunt de eo speciatim casu, quo actor antea bona, propter quæ agitur, possedit, verum iis-

dem spoliatus fuit, & iam de nouo bona eadem a spoliante vel ex causa spolii vel iudicio petitorio vindicat. Add. Covarruv. *Pract. Quæst. Tom. II. c. 6. n. 5.* Verum etsi ille casus satis recte se habeat, atque etiam sub Decretis sententiæ Prouisionalis comprehendatur, attamen textus iuris illum speciatim tantum non proponunt, sed etiam alios casus continent, quibus iustæ causæ præsumptio pro litigante militat, vt hinc leges magis de pluribus quam singularibus capiendæ sint. arg. *l. 3. ff. de LL.*

Th. XII.

Alterum fundamentum dissentientium est ex variis iuris *rationibus* extructum. Vnde primam dubitandi rationem præbet; Quod per sententiam prouisionalem actori præiudicetur, si enim reo ex bonis forte sequestratis alimenta decernantur, tunc actor non possit omnes consequi fructus, qui tamen post litem contestatam debeant actori restitui. *l. certum 22. C. d. R. V.* siquidem tunc consumti sint per impensas & alimenta. Resp. Fructuum petitio est incerta, cum itidem isti casu potuerint perimi; at vero b. f. possessor de casu neque post litem contestatam tenetur. *l. 16. pr. ff. de R. V. l. 27. §. 1. ff. eod.* Et præterea satis
iam

* (13) *

iam grauatur possessor, quod contra ordinem iuris consuetum pendente lite possessione rei suæ priuandus sit, vt hinc actor de fructuum perceptione & consumptione per alimenta necessaria non ita possit conqueri. Adde Scotan. *Disp. ad Pand. XXXV. n. 14.* Deinde in contrarium mouent ; Quod non debeat dari occasio vt lites protelentur §. *fin. f. de Except.* Atqui per subministrationem sumtuum datur aduersario occasio prosequendi litem. Verum facile constat, in *d. §.* tantum istas protelationes litis intelligi, quæ fiunt per calumniam & iniquitates. At vero quando per sententiam prouisionalem decernuntur alimenta & expensæ, tunc supponitur iusta causa litis, cuius non protelationi iniquæ, sed iustæ prosecutioni atque executioni hoc modo indulgetur. Siquidem nemo tenetur ius suum indefensum relinquere, & nimis durum foret, aliquem ob inopiam iure suo excidere, aut a diuite aduersario opprimi.

Th. XIII.

Ceterum vti ipsi illi in contrarium sentientes Icti suam negatiuam variis limitationibus infringunt ; Ita nos non dubitamus, affirmatiuam cum praxi defendere, asserentes per, *Sententiam*

Prouisionalem recte inopi litiganti posse de alimentis & expensis litis necessariis prospici, si fundamentum & præsumptio iustæ causæ pro eodem militet. Quam sententiam etiam sequuntur Guid. Papa Dec. 161. Cravetta cons. 164. & alii. Atque huius decisi rationes decidendi patent (I.) ex l. 27. §. 3. ff. d. inoffic. testam. ibi: De inofficioso testamento nepos contra patrum suum vel alium scriptum heredem pro portione egerat & obtinuerat: sed scriptus heres appellauerat, placuit interim propter inopiam pupilli alimenta pro modo facultatum, quæ per inofficiosi testamenti accusationem pro parte ei vindicabantur, decerni eaque aduersarium ei subministrare, necessum habere, usque ad finem litis. Qui textus licet casum specialem supponat, & tantum de alimentis pendente appellatione præstandis loquatur; attamen ob generalitatem rationis etiam ad alios casus extenditur, ubi pro litigante fauor paupertatis & iustæ causæ præsumptio militat: (II.) Huc refertur textus Vlpiani in l. 33. pr. ff. de reb. auct. iud. possid. ibi: Si pupillus ex contractu suo non defendatur, ideoque bona eius creditoris possidere cœperint, diminutio ex his bonis fieri debet rescendi pupilli causa. Cum quo consentit Paulus in l. fin. ff. eod. ibi:

* (15) *

ibi : *Pupillus si non defendatur in possessione creditoribus constitutis : minoribus ex his usque ad pubertatem alimenta praestanda sunt.* Quod proinde in his textibus favore minorum constitutum videri posset, idem in aliis causis operatur fauor iustitiae & paupertatis. (III.) Adducitur textus cardinalis in *l. fin. C. d. ord. cognit.* vbi Imp. Constantinus A. in iudicio status & causa liberali, sumtus litis & alimonias inopi litiganti adiudicat ; Ita enim rescribit : *Quod si ei, qui ad seruitutem vocatur, quicquam direptum esse, memoretur, uniuersa quae constiterit ablata, ita demum reddi conuenit ei, qui seruus esse contenditur, si modo saluam rem futuram per idoneos fideiussores promiserit. Nam si tales dare non potuerit, tunc ea conuenit, de quibus in iudicio tractabitur, sequestrari in eum diem, in quo controuersia sopiatur. Ita ut ex iisdem (si aliqua facultas esse non poterit) tantum litis sumtus & alimonia homini subministrantur, quantum moderato iudicis arbitrio fuerit aestimatum.* Cum igitur is, qui in hoc textu in seruitutem vindicatur, sit in possessione vel quasi libertatis constitutus, & ita praesumptionem iuris pro se habeat ; Ideo hoc decreto prouisionaliter quoad sumtus litis & alimonias iuuandus dicitur, non tantum

tum propter fauorem libertatis asferendæ *specialem*, sed propter *generalem* iustæ causæ præsumtionem. Atque idcirco hæc exempla Legum specialia subiecta declarant regulam generalem; Quod toties sumtus litis & alimenta possint discerni, quoties præsumptio iustitiæ pro inope litigante militat. Brunn. *in Comment. ad d. l. fin. C. d. Ord. Cognit. n. 22.*

Th. XIV.

Fundamentum genuinum & causa mouens prouisionalibus huius adiudicationis est *Aequitas*, cuius ratio in hoc potissimum consistit, quod bona pro litigante militet præsumptio, adeoque intentio eius iure fundata sit adiuuanda, atque idcirco interea ex eo, ad quod iusta petitio, inops ali meretur. *Mev. Part. IV. dec. 194. n. 67.* Causa vero proxima, vnde rationem suam formalem accepit, est *Praxis* & Interpretatio prudentum vsualis, siquidem per extensionem quandam forenses textus iuris, superius allegati, occasionem & ansam dederunt Jctis, leges ad similia producendi, & iurisdictione practica supplendi ea, quæ legibus apertis non per omnia erant definita, auctoritate nimirum Pedii & Vlpiani in *l. 13. ff. d. LL.* vbi eleganter & accommodate in hanc materiam

* (17) *

teriam dicitur : *Quotiens lege aliquid unum vel alterum introductum est, bona occasio est, cetera, quæ tendunt ad eandem utilitatem, vel interpretatione vel certe iurisdictione suppleri.* Natales proinde denominationis huius remedii ex scriptoribus maxime & usu praxeos deriuantur, & potissimum Rebuffus atque Paponius ad Constitutiones regni Galliarum inter alios eminent, qui praxin huius Decreti provisionalis rimati sunt. Idemque usu Imperii nostri obtinere, tam in foro Camerali quam aliis inferioribus iudiciis Statuum, Practici scriptores subinde a nobis allegandi passim testantur.

Th. XV.

Cum vero hoc ipsum Practicum Iuris Remedium contra ordinarias iuris regulas introductum sit; Ideo *caute* a Iudice & non nisi certis positis requisitis ita sententionandum erit. Talia autem sunt (I.) ut pro litigante militet iustæ causæ præsumtio. (II) Ut ille pauper sit. Menoch. de *Præsumt. lib. 1. qv 35. n. 1. & seqq.* Et quidem hæc duo debent coniunctim concurrere, sola nimirum paupertas non sufficit, sed præsumtio quoque iustæ causæ debet simul adesse. Surd. de *Alim. Tit. 1. qv. 110. n. 8.* Addunt his requisitis alii (III.) ut

C

sen.

sententia pro ipso litigante semel sit lata; ita ut litigans sit in possessione vel quasi iuris competentis. Verum rectius alii hoc ipsum reiiciunt, & sufficere notant, aliunde iustam præsumptionem esse contractam. Conf. Covarruv. *Pract. Quæst. cap. 6. n. 6.* Neque adiuuat hanc sententiam *l. fin. C. de ord. cognit. ibi: in quasi possessione libertatis.* Resp. illa circumstantia adducitur ad fundandam præsumptionem iustæ causæ, non vero tanquam requisitum aliquod necessarium ad consequendas litem expensas. Debet vero vrgens esse pro implorante præsumptio, levis non sufficit. Molin. *de Primogen. cap. 16. n. 36.* Quod si pro adversario extent vrgentiores præsumptiones, illa eliditur tanquam per fortiora argumenta, ut hinc tali casu alimenta & expensæ litis decerni non debeant. Menoch. *de Præsumt. lib. 1. qv. 35. n. 6.* Est porro necesse, ut hæc præsumptio sit in eodem iudicio, de quo agitur. Non enim si ageretur iudicio possessorio, sufficeret præsumptio, quod is actor potentior sit in petitorio. Pontan. *de alim. cap. 13. n. 6.* Denique tempus motæ litis attenditur, ut cognoscatur de præsumptione implorantis, sitne fundata nec ne. Surd. *de alim. tit. 124. num. fin.*

Th.

(19)

Th. XVI.

Alterum requisitum sententiæ huius prouisionalis est, vt litigans *pauper* sit. Ad hanc vero paupertatem excutiendam, non sufficit nuda allegatio, sed probatio debet accedere, vel per attestatum Magistratus loci, vbi quis habitat, vel per iuramentum. Brunn. *ad l. 27. ff. de inoff. testam. n. 9.* Aestimatur porro illa paupertas ex quantitate impensarum & sumtuum litis, vt sic, si deductis necessariis vitæ subsidiis tantum non superfit, quantum opus est ad instruendam litem, talis pauper dicatur, licet non per omnia egeat. Et ita pro conditione personarum, temporis ac loci aliarumque circumstantiarum hoc iudicium prudentis iudicis arbitrio est relinquendum. Mev. *Part. IV. dec. 338. n. 6. 7.* Gail. *lib. 1. obs. 142. n. 5. & sqq.* Dicitur præterea etiam ille actor inops & sumtus litis ab aduersario potest prætere, qui filium, vel fratrem vel alios locupletes habet, a quibus ali debeat, siquidem tunc sub nomine alimentorum sumtus ad litem dandi non continentur. Coler. *de alim. Lib. 1. c. 14. n. 50.*

Th. XVII.

Verum hic non inutiliter Quær. (I.) An culpa sua pauper effectus hoc etiam iuris beneficio gaudeat,

deat, vt possit prouisionem sumtuum & alimentorum ab aduersario petere? Id quod affirmandum censemus. Quamuis enim alias commune habeatur iuris axioma; *Quod culpa sua pauper effectus priuilegio pauperum non gaudeat.* arg. l. pen. ff. d. iur. dot. l. fin. ff. de his quæ in fraud. Credit. Reysger. Thes. Iur. voc. paupertas n. 38. Attamen hoc ipsum de talibus priuilegiis intelligendum est, quæ personæ tantum pauperum competunt, vti est beneficium cessionis, vtpote quod bancorruptoribus & sua culpa ac dolo infelicibus non datur Struv. Synt. Ciu. Exerc. XLIV. tb. 25. Aliud est in hoc decreto prouisionali, quod principaliter *cause* & per consequentiam personæ pauperis datur. Et licet ipse honestorum virorum censura dignus sit, quod bona sua decoxerit, tamen propterea adiumentis iustitiæ non est priuandus, spes enim esse potest, eundem, perceptis paupertatis incommodis, bonis, obtenta victoria, restitutum ad meliorem frugem esse rediturum. Imo licet de præterito præsumatur in futurum, & ita qui semel decoctor bonorum fuit, idem & postea bona dilapidare possit; Attamen, per constitutum Curatorem vel aliis modis, potest huic malo præcaue-

* (21) *

caueri, vt propterea profecutio iuris competentis
& media eo ducentia ipsi non sint præscindenda.

Th. XVIII.

Quæritur (II.) An probatum paupertatis testimonium in vna causa, proficiat quoque in alia ad impetrandum Decretum prouisionale? Quæ quidem quæstio neganda videtur, ex natura scil. rei iudicatæ, quæ regulariter ultra causam & casum suum subiectum non extenditur *l. 14. pr. & §. fin. ff. de Except. rei iud.* Idque eo magis, quod expensæ litis varient, pro diuersitate causarum, ita, vt vni causæ plus, alteri minus sit impendendum, atque ita pro casu nouiter emergente facienda sit de nouo prouisio, siquidem hæc ad merita cuiusuis causæ censetur restricta.

Th. XIX.

Visis proinde requisitis, sequuntur *Personæ* quibus implorantibus hoc Decretum debeat concedi. Datur ergo hoc beneficium *primo* Actori, si pauper sit, & reus bona, propter quæ agitur, possideat. Brunn. *ad l. 27. ff. de inoff. testam. n. 4.* Et quidem hæc duo coniunctim debent concurrere, *possessio* ex parte rei conuenti, & *inopia* actoris. Brunn. *d. l.* Alii quidem interpp. insu-

per addunt, ut actor in causa principali, antequam ei hæc alimenta decernantur, de sua possessione vel quasi, aut de alio iure suo, ex quo agit, sententiam obtinuerit. At vero eiusmodi sententiam non requiri, sed sufficere præsumptionem etiam, aliunde corroboratam, ostendit per arg. l. 1. §. 11. ff. d. ventr. in possess. mitt. Alciat. de præsumt. Reg. 3. præsumt. 9. n. 10. & seqq. Add. Coler. de Alim. cap. 14. n. 40.

Th. XX.

In specie hæc prouisio obtinet circa *Liberos*, iura status vel hæreditatem parentum sibi asserentes: Et quidem duo casus hic maxime sunt distinguendi. *Primus* concernit causam *Filiationis* contra parentes prætenso agitatam; Quod nimirum, dum quæstio illa super statu pendet, liberis egentibus ex bonis paternis, quoad alimenta & expensas prouideri debeat, si summarie saltim huiusmodi coniunctio & egestas probetur. arg. l. ult. ff. pro derel. Licet enim alias illa causa, quæ alteri præiudicium affert, prius sit decidenda. l. 2. C. d. ord. indic. Perez. in d. tit. Cod. n. 3. adeoque videri posset, causam filiationis prius esse decidendam, quam alimenta assignentur; nihilo-
minus

(23)

minus tamen illud non est perpetuum, vti patet ex *l. 5. §. 18. ff. d. liber. agnosc.* & fauor causæ hic aliud postulat, ne ante filius fame pereat, quam lis finita fuerit *l. 4. ff. d. lib. agnosc. Et al.* Atque imprimis huc referri meretur *l. 10. ff. d. bis qu. sui vel al. iur.* ibi: *Si iudex nutriri, vel ali oportere pronunciauerit: dicendum est, de veritate querendum, filius sit, annon; neque enim alimentorum causa veritati facit praiudicium.* Ex quo textu diserte patet, quod prius alimenta queant decerni per sententiam prouisionalem & deinde causa filiationis tractari possit, prout explicat *d. text. Brunn. in Comment. ad Pand. d. l. & in præsentem casum in specie notat Papon. de Arrest. Franc. Lib. XIIIX. Tit. 1. Arrest. 1. in fin.* Licet vero hi textus tantum de alimentis loquantur, tamen etiam de expensis litis possunt accipi, siquidem ex aliis iuris textibus, vti in *l. fin. C. de ord. cognit.* supra adductis apparet, in similibus casibus causam alimonix & expensarum coniungi.

Th. XXI.

Extendunt proinde hanc alimentationis prouisionem interpp. vt non tantum locum habeat in impuberibus & in patria potestate constitutis, quos

quos pro suis agnoscere nolunt parentes; sed etiam in emancipatis, cum alimenta naturaliter, expensæ vero litis hoc casu ex æquitate debeantur, in hisce vero capitibus ratio patriæ potestatis civilis non attendatur. Struv. *Synt. Ciu. Exerc. III. th. II.* Idem iuris est in filiis legitimatis per subsequens matrimonium, nam & hi legitimis in hoc casu æquiparantur. Surd. *de alim. Tit. I. qu. III. n. 9. & seqq.* Pariter hoc procedit in filiis naturalibus & spuriiis, si forte pater negaret, esse suum spurium, & tamen communis fama pro nato militet. *arg. Auth. Licet. C. de natur. liber. Carpz. IV. Respons. 60. n. 6.* Et hoc quoque obtinet, si stuprator absens, vel in fuga sit; Quamvis enim per confessionem nondum sit conuictus de stupro, quia tamen fama contra ipsum militat, & insuper fuga cum suspectum reddit, utique interim succurrendum filio spurio, & ei alimenta sunt assignanda. Add. Carpz. *Ipdent. Eccles. Lib. II. tit. 14. def. 242.* Menoch. *de Præsumt. Lib. I. qu. 35. & seqq.*

Th. XXII.

Casus secundus concernit petitionem hæreditatis parentum ubi filio vel filiæ, aut nepoti vel

* (25) *

vel nepti egenti petentibus bona paterna ve
materna a possessore eorundem, alimenta lite pen-
dente debentur, iuxta textum expressum in *l. 27.*
§. 3. ff. d. inoffic. testam. Id quod etiam ad prone-
potem & alios quosvis descendentes a testatore
extenditur, cum eadem sit utrobique ratio. *Co-*
uarruv. Pract. Quæst. cap. VI. n. 6. Surd. de alim.
tit. 1. qu. 28. n. 6.

Th. XXIII.

Extenditur hoc, ut locum habeat etiam e con-
verso in *Patre*, qui, ordine mortalitatis turbato, suc-
cedit filio. Nam & ei inopi, existente pro eo præ-
sumptione decernenda sunt alimenta & sumtus li-
tis, quando aduersus filium vel alium possesso-
rem pro filii hæreditate consequenda agit *Menoch.*
de Præsumt. Lib. 1. qu. 35. n. 16. Pari modo illud
adplicatur ad lineam collateralium, si egenus ali-
quis fratris aut alterius collateralis hæreditatem
ab intestato petat, & iuxta præsumptione iuuetur.
Myns. Cent. vi. Obs. 21. n. 4. Coler. de Alim. L. 1.
c. 14 n. 44.

Th. XXIV.

Procedit porro hæc sententia provisionalis
respectu *Coniugum*, ita si agat foemina aduersus
istum, quem maritum esse asserit, potest hanc pro-

D

vi-

visionem a Magistratu petere, si inops sit & præsumptione iuuetur. Menoch *de Præsumpt.* L. 1. qv. 35. n. 18. Pacian. *de Probat.* L. 11. c. 16. n. 43. Eadem præterea indulgetur viduæ, post mortem mariti sui dotem repetenti, ita vt pendente lite per hæredes mariti vel alios bonorum possessores alimenta decernenda sint *arg. l. pen ff. vt in posses. legat.* Coler *de Alim* L. 1. c. 14. n. 47. Idem procedere existimant in petitione donationis propter nuptias. Covarruv. *Pract. Quæst. cap. 6. n. 6.* Sed an in casu conuerso marito contra vxorem prouidendum erit, si hæc neget esse maritum? Resp. Licet regulariter vxor maritum alere non teneatur per *l. 33. ff. de donat. int. vir. & vxor.* Aliud tamen dicendum si pauper sit, per *l. 73. ff. d. iur. dot.* adeoque si hoc casu vxor conuenta actorem maritum esse neget, iste tamen ex iusta præsumptione in sua petitione adiuuetur, interim eidem ex bonis locupletis aduersariæ non tantum alimenta verum etiam litis impensæ præstandæ sunt. Add. Stryck. *Dissert. de Decret. interimist. cap. 2. n. 106.*

Th. XXV.

Ita porro pendente *separationis* processu inter coniuges iudex per sententiam potest prouidere, vt inopi parti alimenta & litis expensæ subministrantur.

strentur, modo implorans non in culpa fuerit, quod causam separationis dederit, per ea quæ habet Carpz. in *lprd. Eccles. L. 11. def. 213. & seqq.* Idem denique obtinet in *Accusatione* adulterii, ubi pendente illa maritus vxori alimenta sumtusque litis per sententiam provisionalem dare compellitur. Vti pronuntiatum fuit in Consistorio Electorali Brandenb. quod Coloniae ad Spream est in causa Phil. Kœrners & vxoris eius anno 1648. die 8. Decemb. his formalibus : Als lieget Klägern ob / alles das jenige / weßen Beklagtin anjeho beschuldiget / wie Recht / über Sie auszuführen. Indessen aber kan er nicht vorüber / sondern ist schuldig / ihr die nothwendigen Alimenta, wie auch sumptus litis zu suppeditiren. V. R. W. Th. XXVI.

Pariter ex dd. texxtt. concludunt, quod inopi *Vasallo* contra *Dominum* litiganti alimenta ex bonis de quibus lis est, sint danda. Rebuff. *ad Constit. Regn. Gall. tit. de sentent. prouis, artic. 1. glos. 2. n. 19.* Surd. *de alim. Tit. 1. qu. 122.* Atque hæc ipsa prouisionis causa ad iudicium Parium Curiae pertinebit. Cum enim hi in causa principali hoc casu habeant fundatam ex iure feudali iurisdictionem Stryck. *Exam. J. Feud. cap. 25. qu. 6. i.*

deo quoque ex iure accessorii poterunt super hoc puncto incidenti cognoscere & sua sententia illud determinare.

Th. XXVII.

Ita quoque pendente lite pro servitiis debitis inter *Nobilem & Rusticum*; Si Nobilis servitia exigat, & tamen rusticus necessariis vitæ subsidiis destituatur, utique alimenta præstabit. Pontan. *de alim. cap. 11. n. 1. & sqq.* Vel tantum tempus indulgebit, quo victum sibi paret, arg. *l. 50. § 1. ff. d. oper. libert. Mæv. Part. 17 dec. 133. n. 4.* Idemque asserendum est de impensis litis, nam etiam hæ subministrandæ, ne alias non tam ob iustitiam causæ, quam inopiam rustici victor extitisse dicatur nobilis. Atque hoc potissimum locum habet, quando nobilis occupavit bona rustici; sive priuatim hoc fecerit, sive auctoritate iudicis aut iudicii fretus, siquidem & iura & iudex pauperibus fauent. Coler. *de Alim. L. 1. c. 14. n. 39.*

Th. XXVIII.

Similiter locum ista habent in *Monacho* accusante suum Abbatem, cui per prouisionem interim alimenta assignanda sunt & sumtus necessarii. Cum enim Monachi nihil possint habere proprium, & tamen intersit Ecclesiæ, monachis licenti-

am

am dari accusandi suos Abbates, ne alias vitiis occultis prematur Ecclesia, quæ aliquando in publicum scandalum possint prorumpere. Ideo omnino prouidendum est hoc casu Monacho de sumtibus necessariis ad prosequendam accusationem & detegendam superioris malitiam; Odium enim Abbatis ex accusatione ortum non permetteret, ut ordinariis emolumentis monachus subleuaretur, cui proinde extra ordinem per prouisionem iudicis est succurrendum. Idque confirmat expressus textus in *cap. ex parte II. X. de Accusat.* ubi Alexander III. In hæc verba rescribit: *Prudentiæ tuæ respo. quod monachi, nisi alia rationabilis causa impediatur, eo quod de obedientia & subiectione Abbatis esse noscuntur, ab eius accusatione nullatenus sint repellendi: licet alios accusare non possint. Quibus, (siquidem cum proprium non habeant) de rebus monasterii expensæ debent necessariae, donec causa debitum finem accipiat, ministrari.* Menoch. de *Presumpt. Lib. 1. qu. 35. n. 22.* Desse. *Erotem. Iur. Can. tit. de Accusat. qu. 5.* Et debentur expensæ non solum pro sustinenda, sed etiam exequenda lite. Surd. de *Alim. Tit. 1. qu. 121.* Idemque extenditur ad quemuis subditum agentem con-

tra suum Prælatum. Add. Gonzaletz in *Comment. ad Decret. ad d. cap. 11. X. d. Accusat.*

Th. XXXI.

Datur porro hoc beneficium *Creditori* egeno debitum reposcenti, si ipsius intentio sit liquida, & exceptio a diuite aduersario opposita sit altioris indaginis. *Mev. Part. IV. dec. 194.* Id quod eo magis procedit, si appareat quidem deberi, sed quantitas debiti adhuc sit incerta. *Mev. Part. V. dec. 375.* Nec poterunt expensæ suppeditatæ postea cum debito compensari, quia aduersarius illas friuole causatus est, qui debuisset sponte creditori satisfacere. arg. *l. 79. ff. d. Iudic.*

Th. XXX.

Vti proinde actori inopi hoc iuris beneficium tribuitur; Ita quoque multo magis *Reo* conuen-
to idem denegari non debet, cum huius partes sint fauorabiliiores. Et licet casus facile contingere posse non videatur, siquidem si ob inopiam debitoris inanis sit actio, actor sponte abstinere soleat, cum frustranea foret opera; Attamen idem obuenire posset, si ad instantiam creditoris debitor fuerit arrestatus, & non habeat unde se alat. *Manz. Centur. Decis. Palatin. qu. 64.* Et ipse forte creditor agat, vel ut ad carcerem publicum de-

* (31) *

debitor deferatur ; vel, vt per additionem ad manus creditoris operas præstet, & desuper adhuc defensionem suam exigat reus conuentus. Mev. *ad ius Lubec. L. 1. art. 3. n. 28. & seqq.* Aut denique si bona rei conuenti arresto fuerint gravata aut sequestrata, vel creditor pro sua custodia & securitate impetraverit, tunc pendente lite per sententiam prouisionalem poterit prospici, vt liceat bona quoad alimenta necessaria & expensas diminuere *l. 33. ff. d. reb. auct. iud. possid. l. 14. ff. vt in possess. legat.* Ita proinde, quando quis promisit aliquid sub poena amissionis omnium bonorum, dum lis agitur super priuatione, alimenta interim recte decetnuntur Add. *Surd. de Alim. T. 1. qu.*

123

Th. XXXI.

Datur hoc præsidium legale non tantum personis coniunctis, verum rectius ad omnes & singulas personas extenditur, si paupertatis causa pro ipsis militet. Covarruv. *Quest. Pract. cap. 6. Clud. de Sequestrat. cap. 10. n. 24.* Similiter pendente concursu piis Corporibus vel personis miseris solet provideri & mandari liquidatoribus vt interim soluant vsuras, prout observatum refert. Brunn. *ad l. 27. ff. de inoff. testam. n. 18*

Th,

Visis personis, quibus remedium hoc com-
 petat, iam considerandæ sunt *Cause*, in quibusta-
 le decretum sententiæ prouisionalis locum habere
 possit. Obtinet igitur hoc (I) in iudicio reali
Vindicationis, quando aliquis litigat super bonis,
 quæ prætendit esse communia, vel ad se pertinere,
 & aliquam præsumptionem pro se habet, tunc illa
 præsumptio tantum operatur, quod aduersarius
 interim obligetur, ipsi subministrare sumtus litis,
 si aliunde non habeat, vnde litiget, & causam per-
 sequi possit. Conf. Myns. *Cent. VI. Obs. 21* At-
 que inprimis hoc vnanimiter concedunt Interpp.
 si agatur de *uniuersitate* bonorum, vel maxima
 bonorum parte. Surd. *de Alim. Tit. 1. qu. 119.*
 (II) Hoc procedit in *Petitione hæreditatis*, non
 tantum ab intestato, sed etiam ex testamento, &
 maxime in iudicio *l. fin. C. d. Ed. Div. Hadr. toll.*
 tunc enim pendente lite prouisio debet fieri pro a-
 limentis. Surd. *l. cit. qu. 110. n. 6.* Similiter
 (III) in casu *Querelæ inofficiosi testamenti* pro-
 visio recte fit, iuxta textum expressum supra rela-
 tum in *l. 27. §. 3. ff. de inoffic. testam.* Nec
 non in reliquis iudiciis hæreditariis, vti est fa-
 milix ercisc. it. missionis venris nomine & a-
 liis

* (33) *

liis causis ad materiam successionis spectantibus.
Surd. *l. cit. qu. 110. & seqq.*

Th. XXXIII.

Obtinet (IV) hæc provisio iudicialis in Casu *sequestrationis*, quando sequestratio fructuum, pecuniæ vel alterius rei a iudice fuerit imposita, eiusque relaxatio nulla ratione impetrari possit, reus vero aliunde non habeat, unde se sustentare ac litis expensas soluere queat. Tunc enim litis expensæ & alimenta ipsi ex re litigiosa sequestrata sunt suppeditanda. *Clud. de sequestrat. cap. 10. n. 24.* Idem est in bonis saltem arrestatis, unde inopi debitori alimenta & sumtus litis necessarii præbendi sunt. *arg. l. 33. de reb. auctor. iud. possid. l. fin. ff. eod.* Neque hoc tantum procedit in illa lite, quæ super arresto aut bonis arrestatis agitur, verum etiam sumtus alterius litis subministrandi sunt, ne scil. indefensus pereat. *Mev. Part. IV. dec. 358.* Et ideo iudex hoc casu usque ad certam summam liti vel alimentis impendendam arrestum relaxare potest. *Mev. l. cit.*

Th. XXXIV.

Idem procedit in *Criminalibus*, quando per viam accusationis contra carceratum proceditur, quo casu pauperi ita detento suppeditandæ sunt

E

ex-

expensæ, tam litis quam alimentorum, ab eo, ad cuius instantiam ille incarceratus fuit. Boer. *dec.* 303. Manz. *Cent. Decis. Palat. qu.* 64. Id quod etiam Constitutio Criminalis Caroli V. ex presse sancit *art.* 176. ibi. Und wo er sich von seinen selbst- Gütern in solcher Gefängniß zu enthalten nicht vermögte / so soll alsdenn durch dem Ankläger zu seiner Erhaltung dem Büttel sein gebührlich Wartgeld nach Ermäßigung des Richters gegeben werden / und er der Ankläger deshalb ziemlich bestand thun. Et hinc iudex quoque potest ab accusatore eo nomine idoneam cautionem exigere, ne alias onus alimentandi in iudicium redundet. Coler. *de Proc. Execut. p.1.* c. 2. n. 92. Cum enim ad accusatoris requisitionem accusatus incarceratus sit, qui pro se aut suis, aut pro bonis suis inde securitatem vult consequi, ideo æquisimum quoque est, eundem tantum persolvere debere, quantum requiritur ad alendum incarceratum & solvendo sumtus carceris. Conf. Clasen. *in Comment. ad d. art.* 176. Licet enim magistratui ex officio incumbat, malis hominibus purgare prouinciam, & de securitate publica prospicere; Attamen hoc in genere quidem facere tenetur, non tamen ex sola delatione

accusatoris statim constat, an per hoc indiuiduum publica turbetur tranquillitas, cum eadem etiam per calumniam posset esse mota, vnde propter incertum adhuc accusationis euentum, merito accusator iudicium debet seruare indemne, ne alias in exhaustis sumtibus grauetur res publica.

Th. XXXV.

Applicatur porro prædicta nostra conclusio, etiam si pauper litem haberet cum *Fisco*, nihilominus isti erit per hanc sententiam prouidendum. *Surd. de alim. Tit. 1. qu. 120. n. 7. & seqq.* Cum enim fiscus hoc in casu non inueniatur speciatim priuilegiatus, contra eum secundum ius commune erit respondendum arg. *l. 10. ff. d. l. Fisc.* Maxime cum æquitatis ratio fauori fiscali præponderet.

Th. XXXVI.

Postulatur hoc *Remedium Provisionale* a iudice per implorationem eiusdem extraordinariam. Atque est illa potestas communis omnium Magistratum atque iudicum, pendente lite, interim per decreta vel sententias de necessitate providere, & personis rebusque, vt expedit, consulere. *Mev. Part. IV. dec. 376.* Et quidem peti ac decerni ista solent a iudice causæ principalis, cum e-

iurisdictionis propter causæ connexionem hac in parte censeatur fundata. *Surd. de alim. Tit. 1. qu. 110. n. 9.*

Th. XXXVII.

Potest vero peti illa provisio in quacunque iudicii parte, siquidem hæc non est exceptio quædam dilatoria, sed punctum aliquod incidens concernit, quod causam principalem per se non attingit. *Surd. de alim. Tit. 1. qu. 111. n. 23.* Et ideo tam ante quam post litem contestatam etiam in termino executionis, nec non in secunda appellationis instantia peti potest. *Rebuff. ad Constit. Regn. Gall. in præfat. n. 25. & seqq.* Nontamen post Conclusionem in causa postulari posse, notat *Christin. Vol. 1. dec. 276. n. 10.* Sin vero lata sit sententia, & ab ea appellatum fuerit, nec causa appellationis brevi terminari queat, peti poterit provisio. *Molin. ad Consuet. Paris. §. 1. glos. 4. §. 42. n. 28. & seqq.*

Th. XXXVIII.

Nec tamen prius iudex decernere debet aut potest, quam editis *Actis*, ut inde de causæ iustitia & bonitate petitionis æstimet, atque ideo ad simplicia petitoris narrata non potest decernere. *Mev. Part. 4. dec. 194. n. 8.* Nec proinde iudex præ-

* (37) *

præcipitare debet Decretum, plane inaudito eo, cuius maxime interest, aut, sine vlla causæ cognitione, concurrat enim aliquod aduersarii præiudicium, unde summarie desuper debet cognosci. *Mev. Part. III, dec. 376.*

Th. XXXIX.

Decernuntur ista alimenta & sumtus litis per *Mandatum*, quod etiam vim Decreti ac sententiæ habere dicitur, & in hoc sensu *sententia* appellatur *provisionalis*; Cum alias sententia strictè dicta & Decretum inuicem differant; siquidem sententia continet absolutionem vel condemnationem *l. 1. ff. d. re iudic. l. 3. C. de sentent.* Non vero semper Decretum. Attamen in sensu latiori acceptum vocabulum sententiæ, etiam hoc mandatum siue decretum provisionale sub se comprehendit, quia nimirum utraque fertur a iudice, & similem inuicem auctoritatem iudicialem habet. *Mev. Part. V, dec. 375.*

Th. XL.

Nec tamen ab eo, cui alimenta & litis sumtus præstandi sunt, satisfactio regulariter exigitur. *Mev. Part. V, dec. 375. n. 4.* propterea, quod non iure actionis, sed officio iudicis præstentur, quo casu alimentarius cauere non tenetur. *Coler.*

E 3

de

de alim. Lib. 1. cap. 14. n. 57. Neque interest, siue litigans pauper sit persona coniuncta, siue extranea, cum tales expensæ ex pietate factæ censeantur, adeoque restitutioni non sint obnoxiaæ arg. *l. 34. ff. d. negot. gest.*

Th. XLI.

Pertinet hæc sententia prouisionalis principaliter ad *Expensas litis* quatenus iisdem ex publica prouisione legum, ex præstito iuramento paupertatis, vel aliunde nondum est prospectum. *Struv. Synt. Ciu. Exerc. XXI. tb. 52.* Secundario etiam ad *alimenta* inopi litiganti subministranda, vel ex bonis aduersarii, vel ex bonis ipsius litigantis forte sequestratis. Cum enim, si sequestratio non fuisset facta, nihilominus pendente lite possessori prouentus rei obuenerint, non poterit altera pars conqueri de iniuria, si partem prouentuum ad alimenta & litis expensas velit impendere, si non aliunde habeat unde uiuat. *Add. Scotan. Diss. ad Pand. XXXV. n. 14.* Quot vero fructus ex re litigosa vel alias quantum impensarum ad litem & alimenta inopi litiganti adiudicari debeant, variant inter se Interpp. Alii putant, quartam partem fructuum rei de qua agitur, deberi per *l. 3. ff. si pars hered petat.* At vero cum

cum hæc lex casum quendam singularem & specialem in se contineat, non erit producenda ad consequentiam in aliis iuris materiis penitus diuersis. arg. *l. 14. ff. d. LL.* Alii sextam partem fructuum adiudicandam statuunt, prout vult Mæv. *Part. 1. dec. 159. & Part. 11. dec. 612.* Verum rectius illa quantitas arbitrio prudentis iudicis committitur, qui illam pro diuersis circumstantiis definire debet, prout qualitas personæ aut causæ exigere videatur, uti explicat *l. fin. C. d. ord. cognit.* Add. Mæv. *Part. V. dec. 375. Clud. de Sequestr. cap. 10. n. 24.*

Th. XLII.

Obtinet hæc alimentorum prouisio potissimum circa personas, aliquando etiam circa iumenta & animalia, si forte debitor bonis sequestratis, victum illis dare nequeat. Coler. *de Proc. Execut. Part. 1. cap. 2. n. 87.* Neque illud analogiæ iuris aduersatur; Vti enim alias sub penu legata, ea quoque continentur, quæ in usum iumentorum parata sunt *l. 3. pr. §. 8. & seqq. ff. de pen. legat.* Ita quoque in hac iuris materia fauorabili leges benignius sunt interpretandæ quoad denominationem alimentorum, vt etiam ad victum iumentorum necessarium extendi queant.

Th.

Lōcum præterea habet ista alimentorum & sumtuum prouisio non tantum pendente appellatione, vt putat Marci *Part. 11. dec. 364.* Sed etiam in prima statim instantia. Coler. *de alim. Lib. 1. c. 14. n. 43.* adeo vt & ad interponendam & ad prosequendam appellationem sumtus prouideri queant. Mev. *Part. 1v. dec. 338. n. 7.* Quod si prouisio semel fuerit adiudicata, & postea feratur sententia in causa principali contra eandem, isque ab ea appellet, non obstante appellatione debet prouisio adimpleri. arg. *l. 5. §. imperator 1. ff. vt. legat. velfideicom. nom. cau. Christin. Vol. 1. dec. 276. n. 10. §. seqq.*

Th. XLIV.

Ceterum dubitatur, an si litigans pauper victus fuerit, teneatur ad restitutionem eius quantitatis, quam ex hac causa ab aduersario perceperit. Et concludunt in negatiuam, nimirum quod non teneatur ad restitutionem, modo non lis penitus per calumniam mota ex euentu appareat. Quem in finem adducunt *l. 1. §. Interesse 17. ff. Simul. ventr. nom. ibi: Interesse autem videtur, primum de alimentis quæ in ventrem sunt erogata, nec enim alias hac repetuntur nisi per calumniam in possessionem*

* (31) *

*nem venit. Ceterum si res calumnia caret, nihil
præstabit mulier, quæ sine causa alta est prætextu
ventris.* Qui textus licet specialis esse videatur in
favorem partus conceptus, tamen rationem ha-
bet generalem; Et ideo generaliter iuxta mentem
Prætorum concludit; Quod in aliis quoque
causis neque imputanda neque restituenda sint a-
limenta, quæ lite pendente loco prouisionis dan-
tur. *Couarruv. Præf. Quæst. Cap. 17. n. 7.*

Th. XLV.

Nontamen sententia prouisionalis debet præ-
iudicare *Definitivæ* causæ principalis, pertinet e-
nim saltem ad ea, quæ providere interim necesse
erat, de cetero omnia manent integra & in euen-
tum litis parti alteri illæsa. Quo spectat in pri-
mis *l. pen. de his qui sui vel al. iur.* ibi: *Si iudex
nutriri vel ali oportere pronuntiauerit: dicendum
est de veritate querendum, filius sit, annon: neque
enim alimentorum causa veritati facit præiudi-
cium.* In tantum autem hoc verum est, quod
hæc prouisionalis non præiudicet principali causæ,
ut debeat iudex a prouisione abstinere, quando
prouidendo decideret causam principalem, si ni-
mirum per sententiam prouisionalem grauamen
F ali-

aliquod in definitiuam influens foret inferendum. *Surd. de alim. Tit. 1. qu. 126. n. 6.* Vnde si tale Decretum prouisionale limites suos excesserit, non prouisionaliter, sed definitiua erit prolocutio, vt inde grauato appellatio non sit deneganda. *Mev. Part. III. dec. 376.*

Th. XLVI.

Cessat illa prouisio (I.) in alimentis præteritis vel sumtibus iam exsolutis, quorum repetitio non conceditur. *Menoch. de Præsumt. L. 1. qu. 35. n. 30.* (II.) In specie cessat circa filium, si agat ad rescindendam renunciationem hæreditatis paternæ a se factam. *Surd. de alim. Tit. 1. qu. 113.* Præterea (III.) omnis prouisio, quæ lite pendente fieri solet, cessat, si lis in continenti finiri possit, aut sententia definitiua ferri. *Add. Christin. Vol. 1. dec. 276. n. 10.* Desinit denique & decrescit illa petitio, si pendente lite, aliunde facultates litigantis fuerint auctæ, quia tunc ratio illorum sumtuum cessat, quippe quorum dies non simul sed successiue cedere intelligitur. *arg. l. 11. ff. d. ann. legat.*

SOLI DEO GLORIA.

GENE-

* (33) *

GENEROSO AC CLARISSIMO IUVENI
 IOACHIMO HENRICO
 KATTIO,
 EQVITI BREMENSI

Dissertationis huius Responden-
 ti Ornatissimo

S. P. D.

P R Æ S E S.

Annus est, & quod excurrit, cum Tua mihi,
 Generose Iuvenis, familiaritas in hac Salana
 innotuit, quo in Collegiis meis, tum au-
 scultando tum disputando, ita modeste &
 studiose Te gessisti, vt Te memoria felicem,
 ingenio fertilem & iudicio plenum commilitonibus omni-
 bus probares. Neque hæc tua assiduitas sine fructu
 neque conuersatio academica sine ornamento fuit; Ha-
 bes hac de re plura Doctorum testimonia, quorum scho-
 las frequentasti, ut exercitatum Te præberes in illis disci-
 plinis, quæ non tantum ad ornandam sed etiam augen-
 dam

dam animi culturam adinventæ sunt. Siquidem partim in historica & literaturæ cognitione profecisti, partim Politicæ & Moralis doctrinæ principiis imbutus, illos adiisti fontes, ex quibus ingens ad excolendam hominis vitam deriuatur emolumentum. Hisce omnibus Iuris Ciuilis culturam adjunxisti, non tamen ita, vt rubricas saltem titulorum nosceres, aut inanibus verborum formulis delectari volueris, verum ad interiora Iuris tum publici tum priuati arcana penetraſti, ſatis gnarus, decere politum ingenium, ultra Iuſtinianum ſapere, & potiffimam eſſe prudentiæ Ciuilis partem, non in legum tricis hæſere, ſed omnia ad uſum fori & imperii transferre. Quod proinde magnis ingeniis eſt proprium, non diu deliteſcere, Te quoque excitauit, publico hoc edito indiſtriæ ſpecimine declarare, quanta cupiditate ardeas, vt paternæ & auiræ laudis dignus aliquando exiſtas hæres. Pergas igitur in felici coepto, cui non tantum ex animo gratulor, verum etiam in futurum auguror; Quod qui iam Cathedræ Diſſertatione hac academica *prouidendum* cenſes, aliquando futurum ſit, vt *prouidendo* Reipublicæ conſulas, ad quam Parentum Virtus Te progenuit. Id quod Tibi cum voto omnigenæ felicitatis ex animo adprecor. Dabam Ienæ Idib. Ianuar.

M DCC XIV.

